

崑崙之弱水鴻毛不能載也山海經云玉山西王母所居  
穆天子傳云天子觴西王母瑤池之上括地圖云崑崙弱  
水非乘龍不至有三足神鳥為王母取食也。正義曰此  
弱水西王母既安安息長安者老傳聞而未嘗見後漢書  
云桓帝時大秦國王安敦遣使自日南徼外來獻或云其  
國西有弱水流近西王母處幾於日所入也然先儒多  
引大荒西經云弱水云有二源俱出女國北阿耨達山南  
流會於女國東去國一里深丈餘闊六十步非毛舟不可  
濟南流入海阿耨達山即崑崙山也與大荒西經合矣然  
大秦國在西海中島上從安息西界過海好風用三月乃  
到弱水又在其國之西崑崙山弱水流在女國北出崑崙  
山南女國北山崑崙山南女國在干寘國南二千七百里  
于寘去京九千六百七十里計大秦與大崑崙山相去  
幾四五萬里非所論及一而前賢誤矣此皆據漢括地論之  
猶恐未審然弱水  
二所說皆有也

大夏在大宛西南二千餘里媯

水南其俗土著有城屋與大宛同俗無大王長  
往往城邑置小長其兵弱畏戰善賈民及大月